



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Med 4126.466



HARVARD  
COLLEGE  
LIBRARY

**HENRICI CAROLI ABR. EICHSTADII**

**THEOL. IVRIS VTR. ET PHILOS. D.**

**ELOQV. POES. ET LITT. ANTIQ. PROF. P. O. ACAD. SENIORIS**

**DE**

**CERTAMINIBVS CIVIVM LITTERARIIS**

**HOC ANNO PERACTIS**

**ET DE**

**NOVIS CERTAMINVM ARGVMENTIS**

**IN PROXIMVM ANNVN PROPOSITIS**

**N A R R A T I O.**

---

**PRAEMISSA EST APOLOGIA**

**VRBIS ET AGRI IENENSIS ET VTRIVSQVE INCOLARVM.**

---

**I E N A E**

**PROSTAT IN LIBRARIA BRANIANA.**

**M D C C C X L I.**

Med 4126.466



*Handwritten text, possibly a title or date, mostly illegible due to fading.*

*Handwritten text, possibly a description or author name, mostly illegible due to fading.*

**C**ircumspicienti mihi materiam prooemii, quod huic de civium nostrorum certaminibus narrationi ita praemitterem, ut et aptum esset temporibus, neque convalescenti ex gravi morbo nimis difficile tractatu, peropportune affertur „dissertatio inauguralis medico-practica“ (ita enim inscripta est) „exhibens decennium clinicum in Academia Ienenſi inde ab anno MDCCCXXXI usque ad annum MDCCCXLI auspiciis Perill. D. Kieſeri habitum.“ Eam dissertationem his ipsis diebus vir doctissimus, Carolus Augustus Weiffus, Schaumburgico-Lippicus, publici iuris fecerat publiceque in aula Academiae defenderat hoc consilio, ut summos medicinae et chirurgiae honores rite consequeretur. Quam quum legere coepissem, nil prius aut magis advertit animum, quam singularis pietas, qua scriptor praeceptorum suum, virum praestantissimum et de Academia nostra praeclare merentem, veneratur, et summum quo eum complectitur studium: adverterunt etiam magnae laudes, quibus institutum eius clinicum profequitur, cui ipse suae se artis peritiam debere profitetur. In quo quis non animum probum et gratum beneficiorumque acceptorum memorem lubens ac laetus agnoscat? Nam quo rarius nostra aetate inveniuntur,

qui a quibus profecerint, et quorum ex scholis institutisve in lucem prodierint, cum quadam benevolentia reminiscantur: eo magis laudandi sunt, si qui hodie in praeceptoribus observandis antiquam pietatem et fidem probant. Hanc igitur dissertationis illius maxime illustrem et laudabilem esse dotem existimo. Sed alia sunt in libello, quae vehementer displiceant. Non loquor de rebus medicis, quarum ego rudis iudicium medicis relinquo, a quibus ipsa edoceri nonnulla cupio, quae legenti mirationem fecerunt: quale hoc est, quod ille scripsit <sup>1)</sup> strumam, in vallibus Salanis frequentissimam, per annos primos, quibus institutum Kieserianum floruerit, plerumque pro morbo insanabili habitum esse, eiusque curationem non nisi a paucissimis, et fortuito, esse expetitam. Ego vero memini, ante triginta amplius annos eximium medicum, Ioannem Christianum Starkium I, Eius qui nunc Academiam nostram doctrina sua et meritis ornat, patrem, cuius institutum policlinicum, olim longe celeberrimum, Weissius non omisit illud quidem, sed non nisi obiter attigit, et mortalitatis rationem perangustis unius dumtaxat anni finibus inclusit <sup>2)</sup>, quum de septem caeteris institutis multo plures annos enumeraverit, quorum ex numero morbi et mortes aestimentur, illum igitur Starkium memini Schützio, cuius valetudinem curabat, et mihi, Schützianarum aedium inquilino, saepe narrare, ingentem numerum muliercularum, etiam ex plebe, de strumis suis valde sollicitarum, quotannis ad ipsum accurrere, quas prompta, ut solebat, et facili opera <sup>3)</sup> et domi et in clinico instituto ista sollicitudine liberabat. Sed haec, ut dixi, horumque similia nihil ad nos, nec dubitamus, quin Weissius egregia doctrinae medicae documenta, de

1) Pag. 27.

2) Pag. 24.

3) Cfr. Stark's Handb. zur Kenntniss

und Heilung inn. Krankheiten — vorzüglich aus eigenen Beobachtungen und Erfahrungen, II. p. 642.

quibus iudicare non possumus, in dissertatione ediderit: ad nos pertinent, quae de *regione Ienenſi*, de *incolarum ratione* et de *eorum occupationibus* ita scripsit, ut vellem non scripsisset.

Nam quum ad hanc partem dissertationis <sup>4)</sup> legendo perveniſſem, varie ſum affectus. Primum mirabar, quid acciderit homini, quem laudari a multis audiſſem, et cui noſtrates in proſpera et adverſa fortuna conſtanter affuiſſent, ut de rebus Ienenſibus ea commiſceretur, quae ſi vera eſſent, domicilii Ienae collocati neminem non poeniteret. Deinde indignabar, quum cogitarem fata diſſertationum academicarum, quae iam non, ut olim, intra urbis pomoeria cohiberentur, ſed per morem ac legem permutationis, plerisque in Academiae receptam, longe lateque vagarentur, pervenirentque etiam ad eos, quorum in mentes vel credulitas vel invidia facillime irrepit. Denique recordabar, ſimilem olim fortunam obtigſſe Academiae Georgiae Auguſtae, cui tot eſſent mendaciuncula adſperſa, ut orator illo tempore Gottingenſis, Io. Matthias Geſnerus, quum de ſtatu illius brevem et veram narrationem <sup>5)</sup> in publicum proponeret, malevolos obſectatores fortiter repellendos putaret. „Non metuo, inquit, ne viri graves et ſapientes plus fidei habeant rumuſculis, partim ridiculis, partim malitioſis, quibus paſſim impetimur, quam narrationi hominis, qui, ne alia dicam, certe nolit ſui mendacii tot conſcios eſſe, qui redarguere illum et pudore ſuffundere poſſint. Iam de ipſius urbis, quae hoſpitiū praeſebet academiae, ſitu, ſalubritate, deſcriptione, aggeribus, aedificiis novis, viis eleganter et commode ſtratis ſimilibusque

4) Pag. 11. 12.

5) Haec eſt enim inſcriptio libelli Geſneriani, primum ſeorſum editi, deinde etiam

inſerti ejus Opusculis minoribus varii argumenti To. IV. p. 391 ſqq.

rebus dicere nihil attineret, nisi rari olim peregrini huc venissent, et qui ante sex septem aut amplius annos Gottingam viderunt, talem solerent describere, qualem ipsi viderunt scilicet.“ At vero qui de rebus Ienensibus nuper scripsit, non est ille peregrinus, qui in transitu hanc regionem permearit, sed fuit videlicet civis academiae nostrae, qui multos in hac urbe annos commoratus, bona eius ipse percepit, magnisque in ea utilitatibus et opportunitatibus lubepter usus est. Quo magis decere arbitratus sum veteranum Professore Ienensem, imitari Gesneri exemplum, et fortunarum suarum sedem, in qua dimidiatum prope saeculum exegit, ab iniquis criminationibus defendere. Itaque quum olim de *Academiae Ienensis* bonis scripsissem, placuit nunc de bonis *regionis* et *urbis* aliquid scribere, ut, si qua ex opprobriis, in naturam loci eiusque incolas et accolae temere coniectis, vel offensio nata esset aequalium, vel invidia exterorum, utraque brevi et vera rerum narratione removeretur. Nec passus sum ab hoc proposito me abalienari, quum existissent difficultates quaedam, quae huic programmati edendo moram minitarentur. Scriptum enim sincero et grato adversus Ienam animo aut nunc erat vulgandum, quum recens adhuc esset dissertationis Weissianae memoria, aut perpetuo in scriniis relinquendum.

Persequar singula accusationis, qua Weissius Ienam adortus est, capita, in iisque enarrandis, quantum per Latinitatis rationem fieri potest, ipsa eius verba lectoribus reddam.

Primum igitur de situ loci et regione Ienensi ea retulit, quae profecto peregrinum nullum, si huic relationi fidem habeat, allicere possint, ut Ienam se conferat, ibique domicilium ponat, nec permovere queant parentes, ut filios, si libera est Academiae optio, Ienensi aëri et caelo committant. Orditur ab observationibus, quas medico-topographicas ap-



pellavit. Nam quum montes ex utraque vallis parte, imprimis ab occasu brumali, satis praerupti faxis haud raro praecipitibus contineantur, montiumque quasi rami conis haud absimiles in ipsam vallem promineant, inde fieri, ut multae exsint valles secundariae minores, quarum superficies arida non nisi parvis tegatur lapidibus ex genere eorum, qui vocantur Muschelkalk. Quas calces radiorum solis ope et ipsas quam maxime calefieri, et facile repercutere ipsos radios. Itaque aerem, qui a solo proximus sit, aestatis tempore admodum esse calidum, eoque calidiorem, quo rariores plantae solis radios vel a solo prohibeant, vel quasi consumant. Quum vero calefactus aer extendatur, et propter vallis angustias non nisi sursum versus vertatur, in ipsa valle aerem non posse non perpetuo in sublime proveni. Sed in adscendentis aeris locum confestim succedere tum montium aerem frigidiorum, qui ab utroque latere quasi descendat in vacuum, tum Rothensteinienfis regionis aerem et ipsum frigidiorum, propterea quod illic solum plantis magis obtegatur. Ergo perpetuum esse aeris motum, unde rheumatalgias creberrimas enasci. Aestatis tempore Ienensem vallem umbrarum refrigeratione omnino carere, quod aer inferior nimis calefiat per proximam soli calcem: pro moderata temperie, quae vernis (?) propria esse soleat, Ienae confestim aestatis calore homines paene enecari, et alia sequi quae morbos afferant. Ac sane tam longum Weiffius contexuit morborum indicem, ut, si vera retulit, natura regionis et urbis, in qua habitamus, non possit non maxime insalubris censer, quam exteri, si sapiunt, cane peius et angui fugiant.

Ad metum, qui inde oriatur, animis eximendum si uti liceret rationibus, communi iudicio popularique intelligentiae accommodatis, vestram obtestarer fidem, Cives olim Academiae nostrae, qui, quotquot sani va-

lentesque corpore Ienam venistis, ut ingenium excoleretis, uno omnes ore confitemini, iucundissimos vitae vestrae annos sine ullo valetudinis incommodo aut detrimento in hac esse urbe exactos. Ego quidem audiavi complures, et ipsos adeo senes, ita loqui de Ienenfi. non tantum Academia, verum etiam regione et urbe, ut magno in haec loca, a se dudum relictâ, studio inflammatos esse appareret, et in ipsis loquentium oculis ardor quidam iuvenilis amoris eluceret. Possunt etiam alia huius generis accusatori populariter opponi. Etenim quis sana mente praeditus credat fieri umquam potuisse, ut tali in urbe, qualem peregrinus quispiam ex Weissii descriptione sibi fingat necesse est, Goethius plures uno quoque anno menses, vel requiescens a labore, vel laborem litterato otio condicens, summa cum voluptate commoraretur; ut Schillerus in ea hortos sibi emeret, in quibus Goethio suo iunctus Musis litaret; ut Knebelius et Vossius, relictis iis urbibus, in quibus commode habitassent, ac neuter quidem ullo muneris vinculo Ienae adstrictus, proprias sibi aedes hic compararent? Num illi atque innumerabiles alii, qui nostram urbem maioribus et celebrioribus anteposuerunt, adeo fuere socordes, ut urbis situm regionisque rationem nihil curarent? Sed haec nimis vulgaria sunt. Praestat auctoritates afferre medicorum, qui tanto maiorem hac in re fidem merentur, quum, nemine non concedente, singulari oculorum et mentis acie instructi, ad observandi diligentiam plurimorum annorum usum atque experientiam adiunxerint. Io. Christianum Starkium II dicb, ante aliquot annos acerba nobis morte ademptum, et Guil. Carolum Frid. Succovium, quem collegae superstitem Deus Academiae nostrae quam diutissime conservet. Hi duumviri, scholis clinicis apud nos publice constitutis praefecti, de re, quam quaerimus, hanc sententiam prodiderunt<sup>6)</sup>:

6) *Historisch-topogr. Taschenbuch von Jena u. seiner Umgebung*: herausgegeben von I. C. Zenker (Jen. 1836. 8) p. 106.

„Obgleich Jena, von nahen und zum Theil hohen Bergen umgeben und in der Tiefe liegend, ein Thal-Klima hat, und ohnerachtet hier, wie in ganz Thüringen, die Witterung sehr veränderlich und wechselnd ist: so muß dennoch der Gesundheitszustand in dieser Stadt, in Vergleich mit anderen, selbst nahe liegenden, Orten als sehr günstig erscheinen. Es ergiebt sich dieses unter Anderem aus der schon von den früher hier lebenden Aerzten gemachten Erfahrung, welche auch wir in unserer drey und vierzigjährigen Praxis vollkommen bestätigt gefunden haben, daß Jena von bedeutenden und gefährlichen Epidemien, selbst wenn sie in der Nähe herrschend und verheerend sind, nur selten heimgesucht wird, und daß epidemische Krankheiten, wenn sie auch nach Jena kommen, einen minder gefährlichen Charakter annehmen, und selten zu einer so großen Ausbreitung gedeihen, als anderwärts, selbst als in den nahen Ortschaften. Als z. B. im Jahre 1810 zu Weimar und in dem Jahre 1830 in dem nur  $\frac{3}{4}$  Stunden von hier entfernten Dorfe Zwätzen eine sehr gefahrvolle Nervenfieber-Epidemie herrschte, ist Jena davon gänzlich verschont geblieben. Eben so verhält es sich mit der Ruhr, mit den Masern, dem Scharlachfieber u. s. w., welche Krankheiten, wenn sie auch in den ganz nahe liegenden Städten und Dörfern in gefahrvoller Weise herrschend gewesen waren, dennoch sich in Jena entweder gar nicht, oder in weit gelinderer, minder gefährlicher Form und meistens nur sporadisch gezeigt haben.“

In universum non aliter pronuntiavit) vir artis medicae consultiffi-

7) Eodem in libro Zenkeri pag. 309.  
Atque ex hoc libro, vix continere me po-

tui, quin alia repeterem, quae Schroenius  
de caeli temperatione p. 160, Gustav. Succo-

mus, Ditericus Georgius Kieserus, nisi quod in climatis, uti vocatur, Ienenfis ratione definienda tum ab duumviris illis, tum a Schroenio nostro, viro harum rerum intelligentissimo, dissentit. Itaque Kieseri quoque sententiam huc transferendam censeo:

*„Wie überhaupt Thüringen zu den gesunden Gegenden Deutschlands gehört, in welchem gegenwärtig die Population alle Jahre um  $\frac{1}{200}$  der Bevölkerung zunimmt, so genießt Jena und die Umgegend diese Salubrität im vorzüglichsten Grade und vor be-*

vius et Wackenroderus de aquarum salubritate p. 177 et 185, Zenkerus de Florae varietate regionisque amoenitate p. 187—286 disputarunt. Sed exclusus chartarum spatio, unum afferam ex Zenkeri disputatione locum (p. 261): de caeteris rogandi sunt lectores, ut librum totum cum iis comparent atque componant, quae Weiffius disseruit. Zenkeri haec sunt verba: *Das Plateau der Berge, das tief eingeschnittene, von Süd nach Ost streichende Saalthal mit seinen Nebenthälern, die angrenzende Sandgegend nach Roda und Cahla mit ausgedehnten herrlichen Schwarzwäldern, die überall hervorsprudelnden Quellen, die Steilheit der Felsen bedingen ein ganz besonders warmes und gedeihliches Klima der Thäler. Während es auf den Höhen bedeutend kühl und zugig ist, erreicht dagegen die Temperatur in den Vertiefungen eine an manchen Stellen kaum glaubliche Höhe.* His adiiciam alia quaedam. Summus ille Albertus Hallerus, qui a. 1742 Gottinga Iensem se contulerat, ut Henr. Bernhaldi Ruppil, civis olim Academiae Ienenfis, Floram Ienensem suis observationibus auctiorem atque emendatorem ederet, in praefatione libri, qui Ienae 1745. 8 prodiit, haec

scripsit: „Est ager Ienenfis et mire varia soli indole caelique temperie, et in quibusdam locis supra fidem aestuosus, quum silvas abiegnas, Hercynicarum paene similes, in proximo habeat. Gottingae nobis et calida aprica loca, et paludes, et prata montana, et abiegnas silvae defunt.“ Denique, quae de regionis amoenitate ac situ urbis passim leguntur, in Annalibus Academiae Ienenfis p. IX ita sunt summatim comprehensa: „Non est oppidum nostrum neque pomoerio extensum, neque aedificiis splendidum, neque exquisitis operibus ornatum, sed caeli temperie ac salubritate excellens, secundum solo situque adeo amoenum, ut tantum non Campaniae illas, a Plinio celebratas, virtutes referat. Nam fertilis ubivis sunt campi, aprici colles, innoxii saltus, opaca nemora, munifica silvarum genera, benigni montium afflatus, mira frugum vitiumque fertilitas et praeter amnem Salam tot fontium ubertas, totam regionem perfundens, ut satis prudenter has sibi sedes iam olim delegerint monachi, genus hominum in vitae voluptates et oblectamenta effusissimum.“

nachbarten Städten, z. B. Weimar, sich auszeichnend. Daher auch in Jena, einzelne Jahre, wo gefährliche Epidemien herrschten, ausgenommen, die Zahl der Gebornen die der Gestorbenen übersteigt.— Das Klima ist ein Berg-Klima, und der endemische Krankheitscharakter ist im Allgemeinen der entzündliche.— Als eigenthümlich der Stadt Jena und der nächsten Umgegend scheint betrachtet werden zu können, daß epidemische Krankheiten selten in großer Ausdehnung und bedeutender Intensität herrschten, wenigstens in den letzten 20 Jahren. Exanthematische Krankheiten, Varioloiden, Masern, Scharlach, selbst Nervenfieber, die sporadisch fast stetig, epidemisch zu Zeiten, in der Jenaer Gegend erscheinen, und ebenso Keuchhusten, zeigen, sobald sie in das Saalthal herabsteigen, einen leichteren Charakter und weniger gefährlichen Verlauf.“

Postquam Weissius de regione Ienensi more suo exposuit, progreditur ad incolas; quorum rationem vivendi et occupationes non sine magna iniquitate describit. Primum refert de rusticis: quos quum pauperes esse ait, equidem consentirem, si paupertatem dixisset Romano vocabuli usu, quo vehementer distat ab egestate et mendicitate. Sed persuadere exteris voluit (nam populares melius sciunt) summam ubivis regnare inopiam: deesse enim ditiores, quorum mercede inopes vivant, fructus solanos tuberosos, panem et caseum cibos esse quotidianos, vitam tristissimam, adeo ut ipse non raro viderit homines, qui vivi morientibus mortem inviderent. Ipsa illius verba repetii, ea quidem, quae intelligere potui. Nam quid illud sit, quod adiecit, „neve merces solvenda sit anxie curatur“, et quo pacto id fieri possit, quum ditiores deesse dicantur, quorum mercede vivant, fateor me non intelligere. In caeteris, quae attuli, magni eum vel erroris vel mendacii arguerem, ni medico para-

tam esse cernerem defensionem in officio, fumosa egenorum tuguria ruinasque mendicorum casas perreptandi. Quod officium si praestitit, ac praestitisse puto, laudabiliter fecit, praeclareque functus est munere, quod in praefatione dissertationis profitetur, „medici celeberrimo clinico instituto assistentis primarii“: sed non debebat, quae in singulis et paucis observarat, illico pronunciare de omnibus; immo remanisci debebat, etiam inter rusticos nostros, in ipsis adeo pagis illis minus opulentis, quos propter peculiarem quamdam cerevisiae coctionem memorat, inveniri, qui non modo non sint obaerati, sed qui satis commode habitent, lauta supellectile utantur, hilariter vivant, et quorum in aedibus ne cives quidem academicos, hominum simplicitate delectatos et regionis amoenitate pellectos, nonnumquam deversari pudeat. Ne quid dicam de iis, qui liberaliore vitae cultu et elegantiore liberorum educatione suam ipsi satis testantur opulentiam. Numquamne ille apud alterutros fuit? Tantane semper assiduitate in litterarum studia incubuit, ut res rusticas prorsus non curaret? Laudarem, si eas res scribendo non attrectasset. Nam quae scripsit, pleraque falsa sunt, propterea quod ita semper loquitur de universis, ut nihil excipiat. Veluti, agriculturam propter montium sterilitatem parum quaestuofam esse, in ipsa fertilissima valle arationes raras reperiri, agris, quia Salae inundationibus obnoxii sint, dominos plerumque uti pro pratis, pratorum redditus uberiores fore et meliores, nisi agricolae, montium sterilitate coacti, arbores sibi necessarias in ipsis pratis pronerent. — At rusticus quilibet unius ambulationis sermone docere eum poterat, in regione nostra triplo vel quadruplo plus agrorum esse quam pratorum, in agris provenire egregiam copiam frumenti, praecipue secalis Cerealis, tritici sativi, hordei distichi, avenae, vigere etiam cultum cannabis et lini, neque in herbis pabularibus trifolium pratense, medicaginem sa-

tivam et hedyfarum onobrychin desiderari. Idem demonstrare ei poterat, in montanis vaccarum et boum maiorem sane et potiore usum esse, quam equorum, sed boves equosve non (uti scripsit) numerari inter res inusitatas. Poterat exemplis propinquorum locorum comprobare, ex arboribus pomiferis, quarum beatissima est in valle nostra copia, lucri non *aliquid*, sed bona tempestate plurimum ad possessores redundare, neque ex arboribus solum, verum etiam ex vinetis, utilitatem pariter atque suavitatem percipi, denique olerum quoque incredibilem quamdam esse affluentiam, quae tum in finitimas urbes, imprimis Vimariam, perferantur assidue, tum plaustrorum vectatione ad Neostadienses, et in provincias longe remotiores, veluti ad Bava-ros, transportentur. Tradit Wiedeburgius<sup>8)</sup> cochleariam Armora-ciam ex nostris regionibus usque ad extremos Turcarum fines trans-vectam esse. Sed haec et huius generis alia, quae in iusta locorum de-scriptione praetermitti non debebant, Weissius aut ignoravit, aut dissi-mulavit, omninoque nihil protulit de regione nostra, quod non extenua-rit dicendo, nihil, cui non aliquam labeculam adasperferit. Sic villas ru-sticas *ubivis* non nisi parvas conspexit, quemadmodum etiam urbi nostrae domorum fragilitatem et humorem, rheumatalgiarum scilicet causas, ex-probrat: *quemvis* ait rusticum vaccarum ope suum agrum colere ipsum: incuriosus eorum, quae ad vindicandum hominibus liberum rerum, quas possident, usum et defendendam ex iure naturali omnium aequalitatem nostra aetate toties disputata sunt, summos civitatis curatores reprehendit, qui adem-pto primigeniturae privilegio, quum iam distribui queant agri, effecerint, ut inopia illorum hominum augetetur. At illi agricolae si forte fando audierint, quam duris ipsos verbis verberarit, videat, quam ipsi gratiam relaturi sint:

8) *Beschreibung der Stadt Jena nach ihrer topograph. polit. u. akademischen Verfassung*, I. p. 71.

quamquam, ut sunt homines simplices, verberationem tacito dumtaxat cogitationis convicio ulciscuntur. Accedit, quod in hac rerum rusticarum censura non pauca omisit, quae imprimis commendabilia sunt, velut, quam supra attigi, vinearum culturam, frequentem in Ienenſi regione, et multo noſtratium ſtudio ad eum perfectionis gradum adductam, ut iam non, ſicut Lutheri et Melanchthonis aetate, vites Ienenſes *merum lacri- mentur acetum*, ſed probum vinum praebeant, quod nonnumquam adeo ſefelliſſe fertur erudita palata; omisit etiam largiſſimos fructus, qui rei rusticae melius inſtituendae et utiliſus adminiſtrandae ex ſchola oecono- mica, Ienae condita, et nunc proveniunt, et in poſterum, quis dubi- tet? ubi eius bona in plures pagos, veluti colonias, deducta fuerint, proventura ſunt: denique omisit utilitates, quas etiam rustici ex inſti- tuto veterinario capiunt, certe capere poſſunt, quo Principes noſtri prae- clarum rebus academicis incrementum addiderunt.

Tantum de rusticis Ienenſibus. Brevioribus, ſed paene infeſtioribus telis Weiſſius *incolas ipſius urbis* aggreſſus eſt. Putabam, quum nar- rationis initium legerem, non agi niſi de egenis, quorum haud exiguum numerum in noſtra quoque urbe inveniri, tanto minus convenit prudentiae celare, quanto efficacius publica liberalitas, celiſſimae adeo Principis illuſtri exemplo excitata, civium inopiae proſpexit. Sed ille, quae nonniſi in eos cadunt, qui egeſtatem labori praeponere inde a pueritia conſueve- runt, ruruſus ad omnes urbis incolas transfert, cunctosque uno quaſi modulo metitur. Torporem iis oblicit et pigritiam, quippe qui ignorare videantur, quae ſit digna hoc nomine gnavitas. Quod ne dumtaxat de egenis et mendicantibus intelligamus, obſtat adiecta mentio mercaturae, quam apud nos vix memoratu dignam eſſe pronunciat; obſtat comme- moratio hominum, qui non niſi ex eo vivant, quod litterarum ſtudioſis res, quae ab iis deſiderentur, comparent; obſtat, quod opifices negavit,



quando res ad victum quam maxime necessarias sibi quaesierint, amplius vires suas exercere. Haec vero si intelligi de omnibus voluit, difficile est cavere, ne atra bile iecur tumeat. Dixeris, incompote scripsisse Weisium, et multa perversè scribendo miscuisse: concedo, sed hac lege, eundem ut inconsiderate et tantum non petulanter de civibus Ienenibus scripsisse fateare.

Nam, ut singula repetam, de mercatura Ienensi cur adeo ignominiose pronunciavit? Quodsi Latine scribere didicisset, putarem ab eo desiderari in urbe nostra *mercatores*, quos Romani proprie dicebant, et cum nautis saepenumero iungebant: qualis ille fuit, quem Horatius dixit extremos ad Indos currere, et quales aetate nostra partim Hamburgi, Bremae, Magdeburgi, Francofurti, Lipsiae iisque potissimum in locis conspiciuntur, in quibus maritima commercia florent. Tales sane mercatores non reperiuntur Ienae: sed habemus nundinatores honestissimos, rem suam strenue et prospere agentes, moribus exultos, praesentia diligenter curantes, providos futurorum, partim opulentos, ut qui argentariam quoque, qualis esse potest in modico oppido, scienter faciant, denique eos, quorum industria effectum est, ut parata sit huic urbi rerum omnium bonarum facultas. Quid? ad illorum exemplum sese aliorum hominum, qui inferiore loco sunt, studia sic subinde applicuerunt, ut non debitem in Ienam nostram transferre, quod Gesnerus \*) de Gottinga sua praedicavit: „Ne beatiores quidem habent, quod desiderent: quum adsint vel praemiis aliunde invitati, vel, quum iam adessent, lucris spe ad audendum amplius allecti, non Terentiani illi modo cupediarii, cetarii, lanii, coqui, fartores, piscatores, sed vini etiam diversarum patriarum et generum, aliarumque rerum, quibus negatis delicatiores dolere solent, mercatores.“

---

9) Lib. not. 5 laud. p. 395.

De *opificibus* quid dicam, quos, parato utcumque victu, non amplius vires exercere, curasque et labores fugere omnes Weiffius contendit? Puderet nos pigeretque, inter eiusmodi homines vitam agere, si ad omnes hoc pertineret opprobrium: sin ad nonnullos, sin ad paucos, grave illud quidem est, sed non tale, opinamur, quod universae urbi invidiam conflare apud prudentes possit, nisi quis forte urbem, magnam, parvam, norit, in qua non similia de nonnullis opificibus narrari queant, quibus si dissertationes academicas implere placeat, copiosa profecto candidatis scribendi materia suppeditetur. Et fuerunt apud nos, atque etiam nunc sunt opifices, quos rectius artifices appelles, qui assiduo studio et pertinaci labore eam sibi comparaverunt artis peritiam, tamque assabre facta opera, lignea imprimis et aerea, produxerunt, ut Divus Carolus Augustus, qua erat et humanitate et artium cura, non raro officinas illorum inviseret, operantes laudando et hortando excitaret, ipsis denique, quae perfecissent, operibus splendidissimam arcem suam, quae Vimariae est, condecorare non dedignaretur. Ipse sum iussus comitari eum aliquoties, quum tale opus non sibi, sed Regi Borussiae, cui forte simile Vimariae visum valde placuisset, a fabro aereo, solertissimo homine, procuraret, et quo modo fabricaretur, in officina inspiceret. — Haec-cine vero effici possunt ab hominibus, quales ille depinxit, pigritia torpentibus, culturae expertibus, qui simulatque vitae necessitatibus utcumque prospexerint, vires suas non amplius exerceant? — Quos denique nobis narrat homines, qui inopes ad hospitia publica se recipiant, qui aegrotantes gratuitum auxilium ab institutis clinicis summa saepe cum impudentia postulent, atque in pessimum usum convertant? Ex hoc genere oppido paucos esse, eosque non ex classe civium, sed de infima plebe, percontantibus nobis responsum est. Postremo quid illud est, quod

ita univérse scripfit, „incolas huius urbis, etfi animi excolendi curas non magnas egerint, satis tamen linguam Latinam callere, quin nesciant, quid sit illud: cerevisiam bibunt homines. Hanc enim cerevisiam, inquit, magis ad vitam necessariam credunt, quam ipsum panem.“ Latine doctiores ut sint cives nostri oppidani, nolit optare Weiffius, ne *arbores necessarios* et alia huius generis ex dissertatione ipsi obiciant. Quod illis oblectit crimen, si crimen est, defendent fortasse ii, in quos cadit, Monacensium, Berolinensium aliorumque oppidanorum exemplo: quam recte, non dixerim; hoc certe constat, illarum urbium incolas ea de causa numquam fuisse a quoquam in Megarensium numero habitos <sup>10)</sup>. Nec fortasse Weiffius id dixit ignominiae causa, sed quod ipse in cerevisiae mentione magnopere sibi placere videtur. Etenim iam antea, ubi de rusticis Ienenfibus loquitur, haud oblitus est tres pagos nominare, qui ex peculiari quadam cerevisiae coquendae ratione modicum quaestum habeant. Sed hac de re viderint alii. Nos mittamus cerevisiam, cui, quisquis velit, vina exotica substituat: remittamus etiam scriptori, quicquid per festinationem ac temeritatem (malitiam enim procul ab eo abesse confidimus) de Ienenfibus ita narravit, ut magnam iis iniuriam inferret. Quodsi quando, firmior iudicio, apud animum reputaverit, quid Ienae debeat, et quam gratiam urbis incolis retulerit: speramus futurum, ut suomet ipse libello magis irascatur, quam Ienenfes succensuerunt.

10) Exstat oraculum Megarensibus olim datum, quod ob fugam vacui, ut Wolfius dicere solebat, hic subiiciam:

Γαῖης μὲν πάσης τὸ Πελασγικὸν Ἄργος ἄμεινον,  
 Ἰπποὶ Θρηϊκίαι, Λακεδαιμονίαι δὲ γυναῖκες,  
 Ἄνδρες δ' οἱ πίνουσιν ὕδωρ καλῆς Ἀρεθούσης.  
 Ἄλλ' ἔτι καὶ τῶνδ' εἰσὶν ἄμεινονες, οἷτε μεσηγυ  
 Τίρυνθος ναίουσι, καὶ Ἀρκαδῆς πολυμήλου,  
 Ἄργεῖοι λιγοθύρηκες, κέντρα προλέμοιο.  
 Τμεῖς δ' ὦ Μεγαρεῖς, οὔτε τρίτοι, οὔτε τέταρτοι,  
 Οὔτε δυωδέκατοι, οὔτ' ἐν λόγῳ, οὔτ' ἐν ἀριθμῷ.

Pervenimus tandem ad primarium edendae huius scriptio-  
 nis consilium; Acta sunt enim hesterno die sollemnia illa anniversaria, quibus  
 civium academicorum industria et doctrina praemiis, serenissimorum Prin-  
 cipum liberalitate constitutis, publice condecoratur. Itaque in panegyri  
 hesternae dicendum erat de certaminum, quae hoc anno obtigerant,  
 eventu; [Ordinum academicorum sententiae de exhibitis speciminibus erant  
 declarandae; denique novae quaestiones in proximam annum proponen-  
 dae. Quae quidem, promulgata a nobis ex cathedra, quum nunc scripto  
 repetenda sint illorum causa, qui et sententias Ordinum et novorum  
 certaminum argumenta cognoscere accuratius cupimus: vix hoc fieri  
 commodius posse intelligo, quam si *oratiunculam*, quemadmodum a me  
 habita est in concione, subiungam. *Oratiunculam* dixi, quum in prom-  
 ptu non sit modestius vocabulum: quod si tamen nonnullis, vim omnem  
 et copiam et artem oratoriam in ea iure desiderantibus, nimis superbum  
 videbitur, respiciant, quaeso, huius libelli titulum, qui non orationem, sed  
 narrationem promittit.

Scr. Ienae, die V. Septembr. anno a Chr. n. MDCCCXLI.

## AVDITORES.

Quod ego, gravi ac diuturno morbo implicitus, non speraveram futurum, ut rursus in concionem vestram prodirem, et ex hac cathedra verba ad vos facerem, id quum per singularem summi Numinis benignitatem mihi contigerit, primum expromendi sunt laetitiae sensus, agendaeque Deo gratiae, qui vos mihi, me muneri meo reddiderit. Deinde vestra, AA., indulgentia imploranda est, ut patiamini eo me hodie dicendi genere uti, quod valetudinis meae rationi aptum sit. Saepe iam vos, patientia vestra abusus, longis ex hoc loco orationibus fatigavi: neque umquam, si qua mihi facultas dicendi est, ea visa fuit magis ad eloquendum valuisse, quam hoc cuiusque anni mense et his ipsis mensis diebus, qui vehementer animum duabus de causis commovere solent. Primum enim in memoriam revocant Eum, cui et ego omnia et Academia plurima debemus, Divum Carolum Augustum, qui si adhuc in vivis esset, hesterno die natalem suum, congratulantibus bonis omnibus, celebraturus erat: deinde ea res agitur, quae vestris cum studiis, Commilitones, coniunctissima est, nobisque copiam facit doctrinam vestram laudandi, industriam praemiis condecorandi. Vtramque ego rem ita consuevi mente et cogitatione coniungere, ut mecum tacite reputem, quantum Divus ille (nam hoc ei nomen proprie debetur) gaudium percepturus esset, si

institutum, cuius ipse potissimum suavor et auctor existisset, non solum perdurare videret in Academia nostra, sed laetioribus in annos fructibus efflorescere. Sed iam paene nimium quoddam dixi. Etenim hic quem agimus annus non tales nobis tulit fructus, quales a vobis, carissimi Cives, exspectabamus. In magno numero vestro, quem laeti intuemur, non fuerunt nisi duo, qui inire certamina et palmam appetere vellent, quorum uni dumtaxat primum praemium decretum est. Quod quum alio tempore valdus dolerem, nunc non aequo quidem animo ferendum puto, sed affert tamen mihi aliquid vel excusationis vel solatii, quum ad eam breviter dicendi causam, quae est in mea valetudine, accedere cernam sponte oblatam alteram, quam ipsa illorum, qui contendere cupierunt, paucitas suppeditat. Multitudo enim aemulantium inflamat dicentis animum, paucitas ardorem restringit. Nolite igitur aut mirari, AA., aut mihi succensere, si casum fortuitum in utilitatem meam convertam, et mis ambagibus rem ipsam, propter quam huc convenimus, statim aggrediar.

Agam vero sic, ut sententias iudicum plane, sicut traditas accepi, cognoscatis integras, ne uno quidem verbo immutatas.

### ORDO THEOLOGORVM

Superiore anno hanc quaestionem proposuerat:

*Hebraeorum Iudaeorumque res Messiana cum doctrina Apostolorum de Christo ita comparetur, ut ratio, quae inter utramque intercedat, eluceat.*

Quam unus solvere instituit oblato libello, I. A. Ernesti verbis inscripto his: „*Vides tu, o bone, Christum in V. T., ubi alius aut omnino non, aut non ita clare videt, ut tu vel vides, vel videre te putas; vide eum tibi et gratias age Deo. Sed fac, ut eum in cor*

*cum eius mansuetudine et lenitate recipias, ne frustra videris. Ille vero alter cum alibi pariter videt, si non ubique in V. T. satis clare, ut dubitet, haereat, per umbram modo; at in N. T. videt in clara luce refulgentem, et pro eius claritatis beneficio gratias agit Deo.*“ In quo libello plurimum laudanda videbatur rerum theologicarum, quoad librorum eae sacrorum interpretatione continentur, peritia, etiam iudicandi libertas et theologica auctoris sententia. Neque tamen aequali diligentia usus est in disputandis singulis commentationis partibus omnibus, neque scripta theologorum et decreta adhibuit omnia, praesertim recentissimae aetatis quae exstiterunt. Atque ex illo genere potissimum reprehendendum videbatur, quod tertiam libelli partem, gravissimam ex Ordinis sententia, omnino et brevius et negligentius exposuerit, magis intentus in argumenti initia. Sunt vero in his quoque culpanda aliqua. Neque enim disputationem de Messianae spei et causis et vicissitudinibus atque formis prorsus confecit. Deinde in describenda apostolorum sententia inter alia exponere debebat, primitiva Christianorum aetas, licet summam Messiae notionem prorsus aliam ac Iudaei sibi informaverit post Iesu discessum, partem tamen imaginum aliquam quibus modis repetierit, relatum quidem ad futurum aliquem Christi in terras reditum. Sermone autem usus est auctor neque casto omnino neque expedito. Quae omnia fecerunt, ut *secundo* praemio ornandum censeret Ordo commentationis auctorem, quod impetrabit, nomen suum quum apud Decanum professus fuerit. \*)

---

\*) Cerimonia peracta, nomen suum professus est iuvenis humanissimus,  
 GUSTAVVS FRANCISCVS ADOLPHVS SCHVMACHERVS,  
 Gothanus, Theol. Candidatus.

Novam autem Ordo Theologorum quaestionem proponit:

*Recentissimorum theologorum sententiae de authentia epistolarum, quae pastorales vulgo dicuntur et Paulinae habentur, colligantur, diiudicentur et de nexu exponatur, qui epistolis istis cum rebus ecclesiae antiquissimis intercedit.*

#### ORDO IVRECONSULTORVM

postulaverat,

*ut explicarentur principia iuris Romani de implendis ultimarum voluntatum conditionibus, ita ut imprimis variae iurisconsultorum opiniones de quaestione, quando conditio non impleta pro impleta habenda sit, comparentur.*

Vna est ordini oblata commentatio, insignita dicto Horatii: *Tu nihil invita dices faciesve Minerva.*

Auctor omnem thematis propositi materiam magna industria perscrutatus est, eamque non modo solerter disposuit, verum etiam si pauca excipias, in quibus lapsus est, diligenter et cum ingenio pertractavit. Eo magis est dolendum, quod non parem dictioni adhibuit diligentiam, sed usus stilo est, potissimum a media commentatione ad finem usque, inculto ac sermone passim mendis inquinato. Quae tamen vitia, quum e festinatione nata et eiusmodi viderentur, ut ab auctore ipso facile tolli possent, haud impedire Ordinem potuerunt, quo minus eum *primario* praemio dignum iudicaret; ea tamen lege id ei tribuendum censuit, ut auctor commentationem suam, antequam typis exscriberetur, a se emendatam, denuo Ordinis iudicio subiceret.



Aperta schedula nomen ostendit

IVLII HENRICI TOEPFERI

Stud. iur. Arnstadiensis

quem iam concentus musici victorem salutabunt. — —

Atque ego te, humanissime Toepfere, ex cathedra saluto. Consequutus es victoriam ἀκροῦσι, sine certamine; attamen victoria est: cuius præconio quum gratulationem ex tempore adicere consueverim, aptam victoribus iis, quos ego norim, nunc quod tibi proprie dicam, non habeo, quandoquidem nomen tuum hodie primum mihi innotuit. Vnum tamen est, quod sententia Ordinis illustris, de specimine tuo lata, mihi suppeditet. Quae sane valde honorifica est, quoad res spectat a te tractatas: laudatur enim industria tua in perscrutando, solertia in disponendo: at reprehenditur „stilus incultus ac sermo passim mendis inquinatus.“ Discas igitur auctoritate tantorum iudicum, tuoque exemplo discant commilitones tui, iurum studiosi, ad plenam et integram laudem consequendam non satis esse, si quis res vel doctrinas cognovit (quamquam hoc primum est), requiri etiam rectam atque elegantem rerum expositionem, quae peti non potest nisi ex iis studiis, quae ad humanitatem pertinent. Multi sunt hodie, nec solum inter iurisconsultos, qui haec studia negligant, maximeque Latinae linguae usum contemnant, suntque tanto impudentiores eius contemptores, quanto magis, quod despiciunt, ipsi nesciant: inveniuntur adeo iam Academiae, ex quibus haec lingua exfulare coeperit. Quam perversitatem bonus Genius a nostra Academia procul averruncet. Sed ut haec Latine scribendi ratio ne inculta et mendis inquinata existat, redeundum est ad scripta veterum, insistendum accuratae illorum lectioni atque imitationi. Denique, quod Ordinis sententia satis declarat, philologia non impune contemni se patitur.

In proximum annum Ordo Ictorum thema proponit hoc:  
*Exponatur beneficii, quod vocant excussionis, natura ac potestas.*

### ORDO MEDICORVM

postulaverat,

*ut pharmaca, quae pupulum coartant, tam ex observatis aliorum, quam ex periculis consulto factis, conquirantur.*

Quum nemo fuerit, qui satisfacere quaestioni conaretur, Ordo gratiosus eandem iterum proximo certamini proponit.

Nec fuit, qui *naturalem quaestionem* tractaret. Itaque hanc novam, Germanico sermone tractandam, in proximum annum his verbis Germanicis declaravit:

*Es wird eine Darstellung und Beurtheilung der Thatfachen und Gründe verlangt, welche für und gegen den Einfluss des Mondes auf die Organismen überhaupt, insbesondere auf den Menschen, im gesunden und kranken Zustande, sprechen.*

### ORDO PHILOSOPHORVM

cui nec ipsi ulla facta est copia de praemiis certaminum decernendi, duas in proximum annum quaestiones proponere decrevit, unam philologam, alteram mathematicam.

Philologa haec est:

*Cn. Naevii, poetae Romani, narretur vita, componantur carminum reliquiae, poesisque tota ratio exponatur.*

Mathematica haec placuit:

*Postulat Ordo methodi veterum, quam ab exhaustiando appellamus (Exhaustionsmethode), accuratam et rem singulatim tractantem.*

*comparationem cum analyfi infinitorum nostri temporis. Inquiratur praecipue, an haec methodus, quae in operibus Euclidis, Archimedis, Pappi quam maxime exulta invenitur, deinde vero apud Lucam Valerium, Kepplerum, Cavalerium, Fermatium, Robervalium, Wallisium et alios plus minusve mutata est, principia calculi differentialis Leibnitii nostri iam contineat. Conspicuum huius problematis exponendi et librorum conferendorum praebent Klügelii lexici mathematici loci: Exhaustionsmethode, Cavaleri's Methode und Differentialrechnung.*

Haec erant vobis promulganda, Commilitones. Faxit Deus, ut eximia Principum nostrorum liberalitas et propensa Patrum erga vos voluntas studia vestra excitent atque aemulationem incendiant, neu certamina, ad quae vos rursus vocamus, prospero eventu destituantur.

## LEGES CERTAMINVM.

### I.

Quinae quotannis quaestiones publice proponuntur solvendae iis, qui in Academia Ienenſi litterarum studio tenentur; una a Theologorum, altera ab Iureconsultorum, tertia a Medicorum, binae a Philosophorum Ordine.

### II.

Binarum quaestionum, quae ab Ordine Philosophorum in medium profertur, altera semper philologici esto argumenti, altera vel ad historiam, vel ad philosophiam, vel ad physicam, vel ad mathesin mutatis vicibus spectato.

### III.

Cuius commentatio, de proposita quadam quaestione conscripta, aut si aemulas non habeat, in universum satisfecit eorum, quorum iudicio subiecta est, expectationi, aut prae ceteris maxime probata est, is palmam ferto et quadraginta melioris notae thaleris honoratur; contra cuius scriptio proxime ad illam accessisse iudicata est, is secundo dignus praemio habetur, et viginti eiusdem monetae thaleris donatur.

### IV.

De tempore, quo quidque fiat, sic statutum est, ut primo quoque mensis Septembris die Saturni et praemia decernantur victoribus, et novae quaestiones proponantur, ante Calendas autem Iulias civium commentationes deferantur.

### V.

De praemio certare vel etiam sperare non licitum est nisi iis, qui per id ipsum tempus, quo commentationem suam scribebant, Ienae studiorum causa versati sunt, et qui nulla se aliorum ope in ea re adiutos esse, si forte opus sit, fide sua interposita affirmare possunt. Ceterum qui in tali opere occupatus est, ne is liberum se esse iis legibus opinatur, quibus de scholis academicis assidue adeundis cautum est.

VI.

Quae admitti ad certamen commentationes volunt, Latino sermone, ni-  
quid sectis fultum fuerit; compositae atque aliena manu munde et perspicue  
scriptae ante Calendas Iulias redduntur Decano eius Ordinis, ex cuius disci-  
plina quaestionis argumentum petitur. Prima commentationis pagina ti-  
tuli loco dictum aliquod aut sententiam inscriptam habet, cognomen autem  
et nomen auctoris eiusdemque patriae in singulari quadam scheda indicator.  
Eaque scheda in involucre, sententia ista inscripta, et sigillo tali, ex quo de  
auctoris nomine coniectura fieri nequeat, consignato inclusa commentationi  
adiicitur. Has leges qui non diligenter observaverit, praemii expetendi ius amittit.

VII.

Quae commentatio praemio mereatur ornari, eius rei arbitrium penes  
eum est Ordinem, a quo proposita quaestio est.

VIII.

Quae de missis commentationibus sententiae ab Ordinibus latae sunt, si-  
cut novae quaestiones ab iisdem propositae, primo quoque mensis Septembris  
die Saturni in aula Academiae a Professore Eloquentiae Latina oratione pro-  
mulgantur.

IX.

Idem eorum nomina, qui digni primario praemio iudicati sunt, resigna-  
tis schedulis pronunciato; contra quorum scriptiones secundo praemio ornare  
visum est, eorum nomina ipso isto festo die ne promulgantur, sed ipsorum per-  
missum sit arbitrio auctorum, utrum publice nuncupari et honorari, an eandem  
cum ceteris praemii competitoribus sortem habere malint. Horum enim sche-  
dulae non resignatae cum ipsis eorum commentationibus in publicis Ordinum  
tabulariis deponuntur, nisi quas adiecerint picturas lineares aut aliud quid-  
dam, sua manu confectum, quae, si postulent, redduntur.

X.

Constituta honoraria Decanus acceptis apochis exsolvit. Eorumque nulla  
est creditoribus petitio.

XI.

Commentationes eae, quibus primarium praemium decretum est, sumpti-  
bus Academiae typis excuduntur, atque auctoribus exempla, quae sufficere visa

fuerint, redduntor, hac tamen lege, ut eas plagulas, quae senarium numerum excedant, suo quisque auctor aere evulget. Sed qui secundum tulerunt praemium, si scriptiones suas ad notitiam publicam celebrari volent, eas ipsi typis, exscribendas curabunt.

XII.

Nova praeterea concertatio novaeque praemia sedecim annis post huius instituti primordia primamque legum sanctionem constituta sunt memoriae conventus decimi quarti, quem rerum naturalium et medicarum persectorum anno 1836 Romae celebrarunt. Hoc certamen iisdem fere adhaerentibus legibus, quibus cetera tenentur, sed non spectat nisi ad quaestiones naturales: quarum una secundo quoque anno alternis ab Ordine Medicorum et ab Ordine Philosophorum proponitur, ab eodem, qui proposuit, Ordine victrici scriptioni praemium, idque pariter quadraginta imperialium, decernetur. Secundum praemium qui meruit, is numum argenteum, in eiusdem conventus memoriam cufum, accipiet. Haec autem scripta tradenda sunt Decano ante Calendas Iulias, neque publicis sumptibus excuduntur. Quae commentatio praemio ornata est, deponetur in tabulario, unde, qui volet, exemplum sumere suosque convertere in usus possit: ceteras commentationes repetere a Decano licet.